



Na osnovu člana 91. Statuta Općine Travnik ("Službene novine Općine Travnik", broj 11/05), Općinsko vijeće na sjednici održanoj dana 27.03.2025. godine, **d o n o s i**

ODLUKU

o pristupanju Sporazumu načelnika/gradonačelnika za klimu i energiju i izradi Akcionog plana za održivu energiju i borbu protiv klimatskih promjena (engl: Sustainable energy and climate action plan - SECAP)

Član 1

Općina Travnik pristupa Sporazumu načelnika/gradonačelnika za klimu i energiju, čime se obavezuje da će smanjiti emisiju CO₂, povećati otpornost na klimatske promjene i predložiti rješenja za ublažavanje energetske siromaštva svojoj teritoriji.

Član 2

Općina Travnik prihvata načela i obaveze iz Sporazuma načelnika/gradonačelnika za klimu i energiju.

Član 3

Ovom odlukom Općinsko vijeće daje ovlaštenje Načelniku za pristupanje i potpisivanje Sporazuma načelnika/gradonačelnika za klimu i energiju.

Član 4

Ovom Odlukom Općinsko vijeće pokreće proces izrade Akcionog plana za održivu energiju i borbu protiv klimatskih promjena (SECAP) do 2030. godine.

Član 5

Akcionni plan za održivu energiju i borbu protiv klimatskih promjena (SECAP) ima za cilj:

- smanjiti emisije CO₂ (i, prema mogućnosti, drugih stakleničkih plinova) na području općine kako je predviđeno Sporazumom načelnika/gradonačelnika za klimu i energiju, efikasnijom upotrebom energije i većom upotrebom obnovljivih izvora energije,
- povećati otpornost općine na posljedice klimatskih promjena,
- predložiti rješenja za aktuelnu temu energetske siromaštva, kao ključne mjere koje omogućavaju pravednu tranziciju,
- podijeliti viziju, rezultate, iskustvo i znanje iz procesa izrade i implementacije SECAP-a s drugim lokalnim i regionalnim tijelima u okviru Europske unije i izvan nje putem direktne saradnje i razmjene, posebno u kontekstu Sporazuma načelnika/gradonačelnika.

Član 6

Proces izrade Akcionog plana za održivu energiju i borbu protiv klimatskih promjena općine Travnik biti će zasnovan na principima održivog razvoja i pravedne tranzicije.

Član 7

Načelnik općine imenovati će koordinatora i članove tima za izradu Akcionog plana za održivu energiju i borbu protiv klimatskih promjena kao operativno, izvršno i koordinaciono tijelo zaduženo za vođenje procesa izrade SECAP-a.

Član 8

Načelnik općine imenovati će savjetodavnu grupu za održivu energiju i borbu protiv klimatskih promjena, koja će aktivno učestvovati u izradi SECAP-a.

Član 9

Po završetku izrade Plana, isti će se dostaviti Općinskom vijeću na usvajanje.

Član 10

Ova Odluka stupa na snagu naredni dan od dana objave u „Službenim novinama Općine Travnik“.

Broj:01-1-4-28-73-113/25
Datum: 27.03.2025. godine

Travnik



**PREDSJEDAVAJUĆA
OPĆINSKOG VIJEĆA TRAVNIK**

Vlatka Lovrinović, dip. teolog